



Pertubuhan Berita Nasional Malaysia

BERNAMA.COM



IKHLAS MEDIC ASSIST TAKAFUL
Bantuan Perubatan?
Hanya kad ini yang anda perlukan.



UTAMA

AM

POLITIK

EKONOMI

SUKAN

RENCANA

DUNIA

| Utama | Tentang BERNAMA | Peta Laman | Hubungi Kami | Senarai Berita | Arkib Berita

| Warna: ☐ ☐ ☐ ☐ | A+ A- | Reset

| Malay | English | 中文 | عربي

BERNAMA.COM

utama » berita

CARIAN

GO

22 Disember, 2010 18:10 PM

Penduduk Malaysia Kini 27,565,821 Orang

PUTRAJAYA, 22 Dis (Bernama) -- Malaysia kini mempunyai 27,565,821 penduduk, dengan lelaki melebihi wanita pada nisbah 105:100, demikian menurut laporan kiraan permulaan Banci Penduduk dan Perumahan Malaysia 2010.

Penduduk lelaki kini adalah 14,112,667 orang dan wanita 13,453,154 orang, kata Menteri di Jabatan Perdana Menteri Tan Sri Nor Mohamed Yakcop ketika mengumumkan laporan itu pada sidang akhbar di sini hari ini yang turut dihadiri Ketua Pengarah Jabatan Perangkaan Datuk Wan Ramlah Wan Abdul Raof.

Beliau berkata purata kadar pertumbuhan penduduk tahunan dalam tempoh 2000 hingga 2010 ialah 2.17 peratus, menurun berbanding 2.60 peratus dari 1991 hingga 2000.

Semasa tempoh bancian dari 6 Julai hingga 22 Ogos lepas, terdapat 6,396,174 isi rumah dan 7,380,865 tempat kediaman di seluruh negara.

Banci 2010 adalah yang kelima dijalankan untuk menghasilkan data yang berguna bagi merancang dan melaksanakan dasar pembangunn negara.

Banci sebelum ini dijalankan pada 1970, 1980, 1991 dan 2000. Nor Mohamed berkata laporan terperinci mengenai bancian itu merangkumi kedudukan demografik, kelahiran, umur, jantina, etnik, bandar dan luar bandar pula akan dimaklumkan mulai Julai tahun depan.

Katanya Selangor mempunyai taburan penduduk tertinggi dalam negara dengan 5,411,324 orang (19.63 peratus) setelah mencatat kadar pertumbuhan penduduk 3.17 peratus.

Putrajaya yang mempunyai 67,964 penduduk mencatat pertumbuhan penduduk paling pesat iaitu 17.77 peratus akibat perpindahan kebanyakan pejabat kerajaan serta perpindahan penduduk ke kuarters kerajaan di situ.

Labuan, Sabah, Sarawak, Johor, Terengganu, Kedah dan Negeri Sembilan adalah antara negeri yang mencatatkan penurunan kadar pertumbuhan penduduk.

Nor Mohamed berkata penurunan kadar pertumbuhan penduduk adalah sejajar dengan kadar pertumbuhan penduduk di negara maju lain disebabkan beberapa faktor termasuk tumpuan kepada kerjaya.

Mengenai kadar kesuburan penduduk, beliau berkata ia menurun kepada 2.3 peratus pada tahun lepas berbanding tiga peratus pada tahun 2000.

"Pada tahun 2015 terdapat kemungkinan kadar kesuburan penduduk di Malaysia turun kepada 2.1 peratus seperti juga di negara maju," katanya.

-- BERNAMA

*Kami menyediakan langganan
berita melalui perkhidmatan [NewsWire](#).*

[Kembali](#) [Ke Atas](#)

Utama | Am | Politik | Ekonomi | Sukan | Rencana | Dunia | Senarai Berita | Arkib Berita | Suapan RSS | Facebook BERNAMA | Twitter BERNAMA
Media Relations & Event Management (MREM) | BERNAMA Library Infolink Service (BLIS) | BERNAMA Media | Perkhidmatan Foto BERNAMA | BESSAR

